

巢

民

詩

集

巢民詩集卷四

雉臯冒襄碎疆著

七言律

同孟昭蔭松看水繪菴畫堤桃花夾岸卽席

限韻

寒食尋芳趁暖風  
隔溪桃蕊畫堤中  
長虹倒飲流霞醉  
夾鏡分臨半面紅  
返照更鮮疑雨溼  
曉晴殊艷倩煌籠  
綠茵臥看偕雙侶  
未許漁人棹向東

次日曉起大風雨不止重憶堤上桃花仍次

昨韻

擬臥桃源醉軟風一宵雨妬萬花中  
愁看麗暘參差影溼透殘妝  
淡淺紅無復香塵迷玉洞  
曾餘天冶待烟籠  
北齊兒女休相問  
妍面芳華逐水東

堤上桃花盛開與諸友席地共賞重次去春

前韻

昨歲天桃又曉風  
畫堤全墮紫雲中  
岸生錦浪銷池碧  
人在樓臺映臉紅  
王母粲霞臨上苑  
文君貫酒倚雕籠  
玉衡光照年年色  
萬樹春鮮東海東

輓梁谿馬文忠公卽用辛巳見贈元韻

識韓真不願侯封刻興曾傾春酒濃遲爾特開絲

竹帳對公先禮祝融峰五雲附驥悲霜蹶壬午秋余同舍

子登長劍從龍殉夕烽還憶聚星通晝夜雪花燈

乙榜影昭遊蹤余辛巳赴楚衡道過梁溪先生集名彥留侯兼送省親禮嶽詩

許忠節公以忠孝經濟自勵不畱意韻語辛

巳春余省覲赴衡嶽公捧檄東粵之惠來

聯舟吳越七旬二千里衢江分路譚飲屢

夜不能別余以長歌述懷公荅贈三律去

今十五年矣久同先代師友鴻寶勒之貞  
珉偶友人徵公遺詩步韻奉挽仰瞻天上  
痛極人琴又庚辰冬見贈五言古一章在  
公雖吉光片羽在余爲天球大赤矣

自是星辰躡履人周官慎典鑒人倫孤忠徇鼎光

麟史正氣灑天準易綸持縷精靈停嶽骨

公殉節後一手

持縷尾不  
仆如生

遺書清德拂牀塵餘生偃蹇盟幽獨十

載超然葆舊真

其二

遲我同升濟大川

壬午余中副車公經歲扼腕總漕史公欲特疏薦余公以兩橋

屬望又力止之

攀髯忽歎首陽巔數行紅血貽門內

公殉節時

以紅紙一葉書數語寄慰老親不及家事未云遺書用紅箋見男之丹心耳

三尺黃麻

繫日邊吳越山川借畫舫衡湘郢雪冠瑤鑄大椿

天挺一芝秀

公太翁今年八十有二健甚一令子弱冠試輒冠軍

金管千秋

凌紫烟

### 輓鄭超宗職方

影園終日共君行二十年來弔古情憂切廟堂時  
拍案事籌桑梓太悲鳴須知自古無茲歎差勝如

今有此生補日浴天徒鬱結經綸何處見分明

其二

牡丹爭賦鬱金香東粵連篇冠盛唐弔屈社開蘭  
九畹擬隋舟燦夜三湘徵君絕筆傷搖落仙客同  
遊悵渺茫獨有論文驚座客數旬傾倒罄丹黃

其三

救荒有策屢馳書傾廩同輸四百餘督府借籌咨  
澤雁強隣過糴肆潛狙代余爲食活行路終日凌  
霜厭敝廬如此淡仁如此報曾門災反及鷄鷄

其四

冰雪雙攜絕妙辭  
篋中清玩屢相貽  
西山墨寶橫三几  
南國芳蘭列十眉  
姝色瑤晶通黑暗  
陸離離螺采貯香  
脾如今密邇惟難第  
令子詞壇建大旗

追和顧子方西陵痛哭詩原韻

憶昔從親南嶽回  
梁溪高宴綺羅堆  
當歌忽下窮途淚  
濺血難逢化鶴杯  
異代短箋懷袖滅  
十年驚夢羽書催  
如今夜向西風哭  
應向泉臺共溯洄

乙未中元夜禮施食壇于定惠寺痛哭先大



夫二首

腸斷孤兒此夕情去年今日侍親行盤盂几杖愴

如昔笑貌聲音痛欲生梵月聽攜翻淚海

去年今夜月甚

皎先大夫攜兒孫聽  
施食于定惠寺殿

乳啼慘切是雛嬰

禮云哭親無常聲如

嬰兒失恃時  
小季方六歲

鴉聲雁語應相吊魂魄難收到四更

其二

中元歲歲扶親哭淚眼縱橫二祖筵忽下雷霆頽  
大嶽獨流紅血到黃泉痛追屢世成前古悔得更  
生又數年老母幼昆雙倚併夜臺相望幾屯躔

無大師掩關高座客秋相見以詩示余今夏  
無忝重過白下因倚韻和寄

歷盡中原破衲身竹關堅鏡識前因庚生至再留  
今我萬死瀕仍見古人朱嶽有懷煨蘆芋青林無  
髮岸綸巾齊年當日稱聯璧猶記來游共撫塵

無可師樂廬聞先大夫訃音特遣嗣君方田

伯垂唁會和原韻

竹關分手又三年

師自廬山還白下甲  
午秋晤于竹關圓牖

風木啣悲

其慘然在世只教心化石于今誰信海爲田焦先

已托蝸牛寄剗峻空論燥溼絃令子長才能過我  
鶴泉猿樹句應傳

田伯到邗以兵阻未過寒廬有讀小三五倡  
和篇見懷佳什次韻寄酬

鳳閣晨遊成絕地鯉庭趨對又終天尚多君念楓  
江句敢向人稱秋水篇

余小三五  
四面環水

朱亥樂遊屠肆

日賈生愁說洛陽年茅亭幾曲遲玄對不道烽烟  
阻日邊

答和曹子玉民部寄懷四首

故人遙隔似蓬萊曾寄琅函江上來研北烟雲凭  
目斷江南風景待誰開鉅文模楷垂先式裕國經  
綸老異才更有孤貞堅晚節何須萬里赴輪臺

其二

曾陽日舍苦成低隋苑逃樓事久逃獻賦不堪懷  
薊北譚經誰合使膠西玄亭廿載思前事白下三

秋隔舊栖

乙亥同李舒章周簡臣曹公鉉諸兄貢  
試澄江屢過子玉南園今二十三載甲

午各攜兒應制舊京重晤曹  
彙然先生席上亦三年矣爲許陳人重相訪覆

巢枝葉尚成蹊

余南郭巢居久覆兵火  
惟古樸一章輟轡無恙

其三

百二秦關阨戰場，井陘車騎在相當。誰云老將籌  
多獲，賸有書生懶更狂。金谷幾年成茂草，寒灰一  
夜起微芒。笑余只合衡門老，菜甲攜鋤未甚荒。

其四

濟世逃禪可共參，應憐龐老事多耽。庚生久寄維  
摩室，隨掃新拈茗帚菴。香筆杜蘅娛楚畹，法書彌  
勒笑虞龔。子玉臨池爲世所珍，尤擅畫蘭之譽。如君風義高千古，舉  
世何當七不堪。

戴無忝遁歸黃山貽詩三首言別叠用方出

伯寄詩原韻晨起追至十里許暫憩村茅  
脫粟一飯覓野航偕返倚韻慰荅四首

浩然來顧正水天柳標橫擔書一肩絕世心肝輸  
我半一門仁孝得君全此時有意聊相適異日無  
他亦可傳千頃碧虛園十畝且怡耕釣共年年

其二

未到曉鐘看曉天不辭歸去只孤肩古人旣往真  
難久薄俗論交冀一全我與而翁非貌友君從何

處見家傳黃山縱有朝元會願向羣仙借數年

其三

紛紛輿馬出江天爲返高人幸及肩昨日鷗歌成  
涕淚一時歎陷復周全茅亭偶憩黃梁後野艇還  
家白浪傳舉室救寧幽夢慳通宵相對當經年

其四

亂離誰復視青天墻短曹鏞笑拍肩進履冲襟神  
自遠撫牀高誼愧難全黃山銀海浮雲態碧落精  
廬隱志傳與爾棲遲三萬日世間甲子不論年

疊和李寤生先生枉過小園見贈原韻是日  
余以讀禮家居遣兒相迓梁溪王式九歷  
陽戴無忝咸晤于枕烟因來美并及之

陂爲門逕嶼爲疆占斷平湖秋水強碧浪四圍鴛

屬國青巒隣立雪堆莊

白樂天有歸買雪堆莊之句

媚幽客至

尋烟語入畫僧歸累月忙誰意竹溪來大隱山陰  
興後更何方

其二

傍水誅茅不借疆十年垂釣甫踰強枕烟倩鶴延



裴迪湧月涵秋待謝莊

枕烟乃水繪菴內山亭鄒臣虎先生爲余題湧月則

隔岸先祖大夫逸園水亭黃鶴樓下曹孟德占碑大書也篇廢蓼莪紅藥萎菽

分菰米白雲怵陶家兒子無酬唱王戴追隨或可方

壽許太舅大士誕日兄弟八十初度

平原津合羨塤篋八袞同開壽域奇百六十齊荆

紫茂兒孫曾接桂華滋

公家門世一堂

啣珠耦叶真人應

旌陽母夢金鳳啣珠墮掌而生降嶽剛臨大士期夢入飛熊驚比

翼渭璜雙釣帝王師

寄和靈巖和尚原韻

瓢笠空山衆所尊，伽那古義且無論。  
每將錫拄山中雪，別有文招江上魂。  
入夜魚龍甘自冷，經秋蘭茝尚  
啣冤。相逢又作他鄉客，岐路憑君慰一言。

郭瑞聖丈人隱城東宅荒少墻屋貧不出戶

性愛蘊今年奇，旱扶植灌溉倍辛苦。異種  
獨繁，花放擇贈索詩高簡，可述爲賦二章。  
閒情碎世補烟蘿，種得黃花遶屋多。踏遍東籬榮  
冷秀，影連高士隱霜莎。一生傲骨宜秋色，終歲精

神託晚柯頻贈數枝頻索句知余逸興在巖阿

其二

唐亭舊記曾開圃笠澤荒畦恣擷英進友二人怡  
古處獨淹三徑與秋盟融融冶冶搖中色簇簇離  
離譜異名孤節可貞兼介壽義熙歲月寄柴荆

吳君實持鄒衣白先生扇陳邵公書過訪

延陵才子舊義農文譽登壇豈附庸博物獨澄千  
古鏡曠懷高寄六朝松久依碣石吹春律爲數花  
鬚趁蜜蜂僕本恨人無一可得君晨夕覺從容

許蔭松爲余築懸雷山成賦贈

劈開山水煥奇文結構天然迥絕羣拔地擎空分  
嶽秀迴青繞碧見湘紋運思觸手皆名畫策杖通  
身是白雲痼癖烟霞今有託谷成爲爾勒殊勲

菊月晦前一日社集陸奠兩席上看張又琴

美人卽席限韻

倚葢相逢似孟年敝幽應愧在盧前霜花夜合籠  
津劍鬢影香吹蛺蝶鈿明月盡時珠有艷小春初  
煖玉生烟浮名蕉鹿渾成夢曾到君家便是仙

和劉震修小集海陵寓館卽席見酬原韻

麗譙薜荔影斜暉  
旅館因君興不違  
蘭茝色分高士傳  
芙蓉香落美人衣  
玉纖賭酒師鈎弋  
雲剪偷春訝蝶飛

琴生鬢蝶娟娟故屢及之

此夕當年誰得似不辭爛

醉到慙微

和張月坡小集海陵寓館卽席見酬原韻

曲屏樽酒久成空  
尚有茅亭海屋東  
名字漸隨秋草後  
交遊半逐浪花中  
愁將白苧憐公瑾  
悞溼青衫學比紅  
客路喜君能命駕  
十年懷抱更相通

答笠雲上人

亂後拋殘似古僧  
忘言終日語枯藤  
埋名怕著愁中賦  
應物還看定後鐙  
曾擬維那依夏屋  
此來融液是春冰  
玄言法喜相傾倒  
何日同歸最上乘

題督府大司馬蔡公撫江重建滕王閣八首  
使節雍容鏤騎秋  
重開高閣俯江流  
旌旗北望連天動  
輦鼓南來大地浮  
夾路十千排羽檄  
屯營五道列兜鍪  
峴山碑碣何須記  
別有元戎百尺樓

其二

禁廷拜詔擁危旌玉勒鳴鵬出楚城名勝驟添帝  
子色饒歌還唱大江清總持下國才元鉅經略前  
朝事更榮贏得八公山澤老願將叢桂賦鵬程

其三

侍朝當日躍青驄列郡今朝引上公人錫五侯齊  
太傅地分南楚任江東譯言貢使羗懿舞節制兵  
農庾嶺紅更喜臨流成勝蹟肯攜尊酒慰飄蓬

其四

匡廬舊事久堪悲共識中丞令下時鹿洞再沾新

雨露鵝湖重覩舊威儀越裳步將擗塗毒髻首蠻  
兵上酒卮况有伯熊真俊傑儘教俎豆繼芳規

其五

中郎名喬冠纓簪攬勝尋幽慰客心泗磬嶧桐供  
柱史金鞍玉馬映華林來瞻吳楚英雄滿歸傍星  
辰劔履深何處驗公專教化兒童司馬最堪吟

其六

高閣凭時鼓角喧洪都南下獵平原三千鳴鏑離  
楹出十二繁絃玉帳翻魚貫競傳白苧曲羽林遙



駐綠楊村不須更作西山雨此日隨車不可言

其七

射洪西上路蒼蒼昔日趨庭過豫章江勢遠侵城  
郭小山光倒映薜蘿長遲迴北闕心猶壯經歷東  
山興欲狂十載於今任飄泊尚懷嚴武論文章

其八

衛青幕府將樓船移鎮淮南事競傳漕挽更饒天  
下粟度支不計水衡錢梁園枚乘看誰長趙國侯  
嬴勇自先慚愧微才甘荷鍤更占風雨慰年年

雨霽式九無忝過得全堂話舊偶出丙子秦  
淮大社姓名及先人與鴻鉅往來詩文手  
扎披閱竟日卽席限韻

聯壁清輝照眼前開樽同坐蔚藍天廿年風節稽  
名姓七世雲仍寄簡編人外不怠惟往事意中無  
可漫隨緣瑣鈹大業推諸子應使吾家見數傳

丁酉中秋後四日陳其年方田伯吳子班劉  
王孫同雨兒雨宿秦淮寓館卽席限韻

交態驚看異世新流連風雨只斯人諸君合共連

疥破顧我深慚折角巾  
蕉鹿夢殘前事遠  
雪鴻孤寄此身貧  
莫言今夜難酬昔  
受電甘霜一寸塵

其二

二十年來人斬新  
矧余年少不如人有時  
大叫徒脫帽對爾潛辛  
一岸巾飛灑下懸應壞  
陸白波頻捲未全貧  
休將故友填胸臆  
滄海于今已化塵

杜于皇客水繪九日同登懸雷小山限韻

扶病登臺隨好友  
幾年鏞戶此逍遙  
同人古道照秋色  
落日晴光戀碧霄  
萬木未凋遲塞雁  
迴溪無

渡到山椒白衣不歎無消息飲罷重過酒似潮

寄贈總憲龔芝麓先生四首

萬邦爲憲立朝廷薄海人倫總乞靈目武獨稱真  
宰相指南爭仰太微星十年風勵羣工表九月霜  
清衆正形天外高峰難揖向獨傾肝膽到玄亭

其二

龍馬精神秀孔鸞燄光千尺起星肝方圓肖物歸  
元化先後提衡與大丹義府崢嶸籠蓋代龍門縮  
瑟戰驚瀾禮嚴百辟丰稜峻獨許陳人罄古歡

其三

天才冠世擬飛仙，恰匹仙姿絕代妍。  
千象凌霞驚彩筆，橫雲却月鬪青烟。  
殊倫鏡水秦臺照，並蒂紅香嶽井蓮。  
兩國艷傳徒好色，白門楊柳是朱絃。

其四

蕭騷蓬鬢不勝秋，沉痛孤生已白頭。  
身似聶松枯化石，夢迴蜃海幻成樓。  
久諳霜雪悲搖落，每藉天風破劇愁。  
二子萊孱弱羽難承，外翼向皇州。

客海陵聞龔孝升先生將至邗上先寄二首

通夢交魂七載餘，忽傳紫氣映吾廬。  
扁舟恰值山陰雪，攜子真同趙括書。  
曾見猶疑應不遠，未逢惜別更何如。  
詩情酒興渾非昨，蕭瑟寒江一凍漁。

其二

之歎之生人外人，獨聞君至便縈神。  
十年知己無餘恨，一夜相思正小春。  
傾倒劇愁非涕淚，流連故舊是遺民。  
蒼山白雪聆斯語，舉世何能更比倫。

許力臣席上同孝升先生仍用海陵樓頭韻  
相逢不分是今年，縮地凌雲把臂前。  
進酒共攜青

玉案勒銘何必紫金鈿漫疑枯燹生紅雪共指春  
潮下綠烟長夜與君宜醅酌任教屢舞自仙仙

聞張穉恭中翰至淮寄贈二章

傳聞噀詔下黃河京兆張郎佩玉珂鳳沼羽鱗排  
紫極龍池風雨靜寒莎呂梁降帛星辰合蒲坂迎  
神劍騎多不有舍人歌絕調陽春那得慰蹉跎

其二

曲江當日下長安玉壘高歌道里寒豈謂十年經  
戰伐重看駟馬簇金鞍救時宰相名非易定策中

朝事更難亦念子雲愁寂寞立言法語暫相寬

秋日寄趙友沂燕邸聞侯考中翰故未及之  
長安子舍又驚秋絕調人稱趙倚樓柳下官資恬  
鯉對橋門麗澤快鴻儔酒眠燕市懷良玉琴碎胡  
牀驟紫駟聞試鳳凰池上席花香三殿繼嘉州

輓劉峻度陳少君

笛弄梅花不忍明霜風灑淚溼江城難將倩女還  
魂術重到天台聽珮聲玉岫雨晴蘭夢冷銀缸香  
散蕙幃輕後庭畱得鴛鴦帶前度劉郎此日情



贈丁齒生隣僧

文悟於今見貫休鐵心掛錫在林丘亭開萬竹烟  
囊擁山背長江白象浮點慧有鋒叅月觀杜門無  
礙卽雲遊浮生四十如彈指手撚梅花香正幽

冬至慢菴姊丈五十

亞歲迎陽欣令節况臨狐瑞正知非詩篇晚擅如  
高適學道先幾是李頎引算鶴籌添刺繡戲斑兒  
女共衣緋觀臺此日書雲物南極光華動少微

戊戌三月二日月兒二十生日書示

巳卯之春最殊異獲祈母壽又生兒兒年二十母  
轉健觴我兩人兄相隨李氏花萼稱交讓阮家竹  
林咸工詩獨恨大椿凋白日一堂三世喜還悲

其二

太史南遊會稽日賈生超拜大中年用世不願汝  
蚤達成家無愧師前賢勉之萬事只恂讓樂矣千  
秋是簡編但得天倫存內美何妨肥遯守吾玄

花朝讌集水繪菴是日諸友沓至獨顏子不  
踐夙約座有姬人佐酒陳九摑鼓月下

春半蓬蒿鎖麗華重來觴詠自天涯梁鴻高士雄  
吳會張緒風流繼永嘉度山玉兒雙戲蝶填詞羯  
鼓一催花不期咸集真芳讌獨悵狂顏去別家何尚  
之間類延年  
日誰得卿狂

新竹限韻墻字

昨夜龍孫拆紫房離離新粉化清霜暈檀烟曉嬋  
娟影寒玉香生薜荔墻淺韻未堪吹嶰谷微痕端  
合畫瀟湘舊枝敗籜秋風盡千尺爭看爾不傷

許力臣師六掩關宿影亭賦贈

玄亭花竹鎖迂威  
玉友金昆共董韓  
午夜虛窗燈語石  
晨風悟境鳥巢衣  
揣摩長夏心如髮  
會獵清秋戰正肥  
獨與陳人密來往  
靜香空碧月依稀

秋集水繪菴喜郭振兮許山濤歸自別館

雨餘林木澹烟虹  
寒碧筵開秋水中  
逸世才人元離俗  
同心香草共臨風  
昆吾賦就情何俠  
丁卯橋歸句更工  
把臂細聽菱唱遠  
莫辭爛醉夜融融

十六夜重集洗鉢池看月卽席同諸子分賦  
中秋昨夜明千里  
更約同人待月來  
碧浸一池廻

几席光臨四面出樓臺  
曼聲似髮雕烟玉靜樹如  
山落酒杯客散扁舟未歸去  
涼風白露獨徘徊

咏白秋海棠

自昔嬌紅惜斷腸  
何來皎皎發孤芳  
清秋小讀謝莊賦  
明媚平分號國妝  
玉砌夜涼殊寂寞  
紗窗露浥更淒涼  
金衣蛟蝶如相過  
悞戀何郎是舊裳

九月先約諸子懸雷山登高  
雨阻做廬有作  
共訂登高懸雷北連綿  
夜雨到如今陰晴變態元  
無定九十秋光未可尋  
把酒一庭難訪菊論詩永

日欲張琴更關齊唱梁州曲蕭颯風高滿竹林

戊戌仲冬九日陳其年初過寒廬燕集同人  
卽席限韻分賦四首

異代論交冰雪寒飄然書劒淚痕看樓松化石今  
餘幾風雨如期古所難對爾鬚眉堪共照問他薇  
蕨許誰餐霜天片月當年白蕭颯西風夜未殘

其二

會獵秦淮勝事繁廿年何日不交魂求仁豈讓諸  
生賤表義方知吾道尊

追憶其年尊公定  
生及令師樓山

舊日肝

腸爭雪皎客冬蜂蠶尚雲屯到門握手譚遺逸再  
世餘生尚強存

其三

文虎人龍際數奇牛衣皂帽總相宜隻身湖海公  
孤後匹馬江天日月知藝苑獨當稱李廣琅函今  
得見波斯高燒銀燭頻驚喜不負經年百爾思

其四

痛哭無能託醉歌恒耽絲竹廢三多夢環雲鳥迹  
鐘鼎身痼煙霞補薜蘿賴有侯苞頻問字何當剗

棹重相過枯髯瘁髮千秋在門外何人許負戈

冬至前五日余公佑石尚卿許子公兩舅氏  
招同諸子陪讌陳其年於得全堂卽席分  
韻五微得二首

朔風感發一陽微詩酒同人興不違玉律暗通枯  
管色華筵頰敞敞廬扉青霜破臘庭梅瘦白戰爭  
雄原獸肥回首客冬今夜醉明朝驚犯虎狼威

其二

酒勇能令寒力微  
啣杯况復鬪珠璣  
天才冠世真



無敵前輩餘風或可幾城角夜闌翻激楚江天歲  
暮見柴扉不妨密訂三冬約戲海孤鴻久息機

十四夜月下同其年限韻

瑤臺何處漫相逢霧鬢烟銷一笑容紅豆乍拋私  
白月彩雲過眼胷青松錦鴛護水橫陳冷么鳳盤  
釵倒掛慵儂去不留無限恨薄衾霜擁正孤冬

次日泛月同其年仍次前韻

剡棹應從雪裏逢融和歲晚泛烟容寒香月上文  
君酒仙珮笙畱鶴嶺松密約暗從杯底得歡場誰

惜藥爐慵石橋水與梅花影小立天街踏暮冬

巳亥人日喜禾兒舉子彌月

一月俄看添一歲恰逢人日際辰靈

李嶠人日詩  
七日最靈辰

瑞圖金勝迎文祿玉樹芝蘭愧謝庭老母七旬曾  
入抱華筵四世綵爲屏他時非分吾何望願字青  
箱紹一經

歷陽戴務旃過訪上元後七日同其年招集

諸子于水繪菴燈飲達旦卽席分得六魚

生歿論交碧落廬到來把手更躊躇蒼顏帶雪磨

千古紫氣凌空灝六虛東海波濤翻昨夜

時海波驟溢洗

鉢池水添數尺

半天星斗下庭除蓬門兩啓爲陳戴斯世

何人射大魚

其二

安道雞碑仍有子太丘桂樹茂如初廿年舊誼成  
先代千里咸來共做廬此夜借鐙兼得月當時亾  
女愧存余更闌萬感填膺起擊磬飛聲徹紫虛

如春九日爲無警弟賦花燭三首敬步先大

夫癸巳如春十三日寄禾兒揚州婚禮成

元韻先祖大夫曩爲余詩寓規于喜先大  
夫示禾兒則喜而寄慨今茲吮筆則喜不  
勝悲也

戲蝶春光上玉墀英年小季得紅絲

弟爲太史宮  
崇立年兄婿

家承甲第雙金榜人自瑤臺共錦帷奕世此時攀

月桂

先少叅以十六領  
賢書弟適符其歲

他年待爾振風儀莫矜才

藻耽花燭淑慎禠躬正在斯

其二

一雙兩好羨娟娟轉憶吾婚三十年重慶齊眉膺

紫誥 烈皇御極比元延宜孫載咏揚州月兩世  
珍傳祖德篇今日暗傷難竟說成行小雁勝從前  
先君單傳余三十四無  
弟今兩弟漸次成人

其三

百花爭笑夢寒溫三值花朝合香樽

余婚二月十三  
四禾兒十三

今弟初九歲  
在花朝前後

明歲春風應抱子老夫客臘已添孫

簪纓勉紹前徽澤高厚難酬慈母恩鸞鳳自羣稱

大壽叠看喜氣映吾門

弟育 老母懷抱愛踰已  
生今冬正七十亟命先合

奄而後  
稱觴也

澹生較書今春持其年文友贈詩來訪余適  
戒韻居鄰水繪日弄烟雲五月未成一字  
七夕後二日忽欲歸淚痕交面兼索別詩  
秋士傷離頓嬰小桃枕上麤語次其年元  
韻二首倩筆書送遙望輕舟不殊河漢江  
南諸君子見之應爲余重和也

壞才女俠唾彫銀奔月飛仙許結鄰醉臥只教人  
似阮下樓恒笑鳳非秦畱香每自私圓夢握杜憑  
他字細辛廿載江南佳麗盡對卿若个不稱臣

其二

姑射丰姿雲化銀涉江五月託芳隣載來西子元

家越歸去羅敷不姓秦

時滯生有文君之遭

封到酒泉無勁

敵釀成花蜜半芳辛燈前婦子新秋淚蕭瑟西風起雁臣

和劉漢臣秋夜集水繪菴風雨歸途元韻

半陂以外溪無盡楓葉芙蓉秋滿山有客到來詩  
共酒無人獨處嬾宜閒一時願學皆王謝永夕淡  
譚繼尹班飛溜忽懸衝滑去夜天風雨碧潏潏

投贈王阮亭先生

有引

阮亭王公青社名家烏衣才子令世父與  
先君講同年之誼令大父於鯁生蒙國士  
之知累葉清通兩朝華要阮亭蚤年赴洛  
識陸氏之機雲壯歲入關推謝庭之覽舉  
近膺新寵特命平反家在魯王宮側珠玉  
爲心官居太子樓俯綺羅作質憶叨高門  
之垂蔭世許登龍今爲屬邑之編氓城名  
射雉短章誦德以誌勿諼



廣陵垂柳碧紛紛竹馬蹠躑識使君  
花落訟庭春已暮吏歸仙署夜初分  
詩名清綺同韓偓門第風華本右軍  
玉管牙籤誰不羨一時江鮑盡相聞

其二

貂蟬奕葉重鸞坡蚤歲金門驟玉珂  
齊國山川天下少王家兄弟雋才多  
芙蓉府內呼仙吏明月橋頭聽雅歌  
數世通門情不淺邗溝重許浩恩波

客邗上候阮亭使君不至

津樓絲雨灑疎鐘閣外青山碧數重  
病客荷裳增

躑躅仙官蓮綬自從容隋堤衰柳殊相憶  
玳社明珠豈易逢  
髣髴隔江初月在風流濯濯想王恭

和阮亭秋柳詩原韻

南浦西風合斷魂數枝清影立朱門  
可知春去渾無跡忽地霜來漸有痕  
家世淒涼靈武殿腰肢憔悴莫愁村  
曲中舊侶如相憶急管哀箏與細論

其二

紅闈紫塞晝飛霜顧影羞窺白玉塘  
近日心情惟短笛當年花絮已空箱  
夢殘舞榭還歌榭淚落岐

王與薛王回首三春攀折苦錯教根種善和坊

其三

無復春城金縷衣斑斕躑躅是耶非張郎街後人  
何處白傅園中客已稀誓作浮萍隨水去好從燕  
子背人飛悞傳柳宿來天上一墮風塵萬事違

其四

臺城隋苑總相憐憶昔紫堤并拂烟金屋流螢俱  
寂寞玉關羈雁苦纏綿十圍種就知何代千縷垂  
時已隔年最恨健兒偏欲折涼秋聞道又臨邊

過海陵與鄧孝威話舊得四首

十年詩賦共琳琅  
昨歲秋風失雁行  
南國上書聊復爾  
西園一晤渺相望  
錦衫入月翻埋照  
丹桂攀天落異卿  
何似草玄仍寂寞  
故人重對倒壺觴

其二

蕭條世外與天遊  
陡地狂猜竟作讐  
幻影山魃憑惡夢  
無風波浪到虛舟  
破家此日元爲福  
下石何人未敢尤  
閉口磨堯兼閉戶  
偶來文晤已深秋

其三

浩空望氣俯層霄客舍中秋共廓寥十載清溪重  
得月幾人藻思湧如潮百蠻開詔偕仙侶憲署題  
詩憶舊寮金馬浮沉音信杳燕雲翹首倍魂銷

其四

顏子扁舟過我時持君尺素定相知追隨舊社名  
人輩熟讀昭明文選詩說項三年稱巨擘爲韓一  
日置蛾眉于今名振家成後翻有微辭憾敬之

贈羽步四首用與蓋僊偶和原韻

才僊女俠衆緣疎瞻麗真堪珎管書恒笑鵜鷁憑

俗鳥生憎鱗鱗類  
滌魚縹緗萬卷宜  
環汝玉塵千言待  
起余入蜀漫珍洪  
度集攬君奇秀欲  
難除

其二

浪說能傾一笑城  
芙蓉仙堞見瑤英  
藕綃退繡航芸蠹  
靡粉銷香治墨兵  
孤影伴琴聊避地  
雙心託劔學無情  
東陽腰減文園病  
不獨詩成太瘦生

其三

寄跡繙書擬二遊  
鴛鴦罷夢狎輕鷗  
桃花不辨人間路  
銀漢疑從天際流  
東璧光借徐女燭  
西園月

聞謝庭秋蓬蒿亦有知書婢絳帳移春當刻舟

其四

茂苑曾停煖玉杯  
遲留竟被落花催  
當窗潑墨三峰秀  
倚馬揮毫五色裁  
殘臘尚煩青鳥使  
經年徒負絳才  
遙聞悞托蒹葭侶  
漫和聯詩寄七哀

辛丑端陽前二日借諸子觀覽渡于邗江憶

庚辰五月與陳百史徐巢友榻影園鄭超

宗社集黎美周萬茂先茅止生陳旻昭卽

席分咏歐陽憲文先生又招舒魯直劉阮

仙周我容梁湛至瓜步舟中觴咏屢日今  
辛丑閏二十二年而孑然獨存惟余不自  
知其歿生孰是也浩歎一詩并呈阮亭

隋帝龍舟事尚存偶來吊古獨聲吞廿年重採揚  
州艾一賦難招衆友魂冰雪壺中思舊令垂楊影  
裏失名園桃箋寫恨誰曾見惟向王恭盡此言

丙申午日張素生較書自吳門過訪時盈盈  
十五也今重見于邗上又恰當競渡之辰  
與諸同志卽席限韻各賦一章爲贈



繫臂重拈五色絲  
石榴花下展修眉  
何來此日行雲夢  
猶似當年破玉時  
朱雀舊緣餘我諳  
幽蘭微笑只君知  
更憐一種秦淮意  
小立含情繡帶垂

譚灌湘太史歸養恰值太母大壽舟過邗江

二詩寄贈

五絲重向畫屏懸  
正值僊官畫錦旋  
蕭統樓頭秋渺渺  
楚昭宮外月娟娟  
賜來香藥都堂饌  
載得鸞旌太乙船  
此去湘潭僥橘柚  
懷歸好薦彩衣筵

其二

江徼推蓬夜未央  
去年把袂在維揚  
九秋離別翻  
隋苑四海交遊只楚狂  
桃李驚聞充上國  
護花劇  
報媚高堂  
邗溝紫氣依然到  
媿我支離避世墻

寄阮亭使君卽次鑿江舟中見懷原韻

官舫青簾夜渡時  
使君高咏正堪思  
五更玉笛迎  
秋落千尺銀河拂地垂  
江畔忽逢何處雁  
月中偏  
寄最高枝  
西風瘦盡東陽沈  
常把瑤華憶獻之

贈水部李仲卿先生丈蘆按下邑先君同門  
年伯之玉友也

鉅公乘傳出皇州銀戟華旃擁八騶水部更兼廉  
訪使星郎還領富民侯三江按節蓮花幕五月鳴  
榔杜若洲自是廟堂勞轉餉東南杼軸亦堪憂

其二

金昆釋褐向明光先子當年附末行世換忽來蕭  
相國情淡猶問沈東陽兩家舊事慈恩塔數載閒  
居道政坊昔日齊統驚尚在感公高誼更難忘

馬四舅氏邗上訪醫回余杜門懸靄山梅花  
下攜新詩過存卽次元韻

銷門久學石頭頑，舅請淡密在還春。興短筇行  
藥返古香絕壁，似雲間講張物態憐。魑魅構鬪人  
情任觸蠻，吳洛音徽俱不似。願從肥遯只看山。

端陽前二日聞兵憲杜子濂先生按部先寄

二首

翩翩旌節駐江鄉，吹角鳴鐃七寶裝。按部自來秦  
郡縣，傳家不讓杜當陽。紫駟帳後人如月，綉甲軍  
中隊似霜。最是孤城勞保障，每瞻山斗籍輝光。

其二

去年杜母來天上曾到蓬蒿仲蔚居三徑蕭疎迎  
袞烏一尊繾綣話樵漁重過還擬仍陪讌別後何  
當數寄書懸艾持糲佳節近東山絲竹興何如